



# 霜凝先生一天十首《满江红》 首首皆不让古人





图：艺术家、诗人 霜凝 摄影：何世红

满江红十首

霜凝

### 1、读岳飞

传唱千年，凭一曲，万家音绝。堪做证，八千云路，一天星月。匹马仰天声独啸，三军恸地人凝噎。一腔恨，拍得那栏杆，都成屑。

君难测，君令铁。长嗟叹，长江别。

看风波六月，一亭飞雪。昨日昭关悲白发，今天武穆冤魂骨。皆抛去，尽染满江红，将军血。

## 2、读李纲

怀古金陵，大江去、天寒水阔。便忆起、阿坚南牧，当年时月。淝水八千戈甲动，谢公一弈棋盘活。驿书至、谈笑小儿云，烟灰灭。

伤往事，秋风烈。看今夕，金瓯缺。玉树后庭花，迁客呜咽。淮水东边留夜色，鄱阳席上思名节。谪南海，依旧汴京城，心中雪。

## 3、读辛弃疾

雨打风吹，秋露下、冠缨拱立。问英雄、江山千古，无人能识。社鼓声中天有眼，佛狸祠下寒无力。竟这般、看草树斜阳，今为客。

清江水，寻踪迹。烽火路，扬州忆。天峰飞堕处，傍湖青壁。画网蛛檐烟柳妒，天涯芳草鱼龙泣。廉颇老、也拟上层楼，听消息。

## 4、读文天祥

泪眼胡沙，最难是、几番秋别。相望处，无端蕉影，高台遗物。身外十年边马叫，曲中千载琵琶噎。夜半时、何处雨淋铃，声声歇。

庐陵墓，零丁雪。人唯气，篁唯节。天地翻覆处，南阳清血。枯木寒鸦枝上鸟，阳关古庙楼头月。凭一赋、留万古声名，朝天阙。

## 5、读陆游

驿外桥边，有道是、梅花虚掷。不争春、群芳任妒，暗香无迹。金鼓

悲歌烟缥缈，胡笳野帐秋萧瑟。照高台、边地角声哀，中原泣。

从军旅，征西北。金瓯碎，须眉白。危堞朱栏处，愁丝堪织。北定中原堂上告，秋来红泪灯前滴。万事空、不见九州同，青衫湿。

## 6、读张元干

居士芦川，阑干外、引杯孤酌。屏山掩、暮鸦惊散，妒花风恶。楚地芳洲生杜若，竹西湖水滋红药。叹如今、终日醉归舟，伤飘泊。

寒犹在，人寂寞。窗无寐，愁难著。万里念龙沙，只闻胡乐。击唾悲歌惊岸塞，请缨喋血收京洛。冰凉月，梦捣贺兰山，寒衾薄。

## 7、读刘克庄

怕说中州、怕只怕，寒衣又湿。更那堪、凄凉夜雨，东方难白。铁马楼船营壁冷，夜窗泪洒风涛急。看舆图、仗履绕千回，人南北。

闻鸡起，平戎策。都种树，三千册。可怜故将军，花间成集。白发长怀驱虏志，少年曾负凌云笔。几迁谪、也要望长安，辕门立。

**预览已结束，完整报告链接和二维码如下：**

[https://www.yunbaogao.cn/report/index/report?reportId=1\\_51955](https://www.yunbaogao.cn/report/index/report?reportId=1_51955)

